

Iwwer de Quetschekuche.

Wie merr uns deletzde geseh hadde, de Karl, de Schorsch unn ich, hawwe merr driwwer gebabbeld, dass joo bald Verlobte Daach iss unn dass onn dem Daach immer Quetschekuche gebacke werrd. So iss dess frieher bei unserne Mudder gewese unn su isses heit noch bei uns dehoom.

Uff oomol seet de Schorsch unn hott debei gegrinst: Bei eich unn bei uns duts Quetschekuche gewwe, awwer ze kaafe kriehsde den nimmi. Weil ...

De Karl hoddem Schorsch gleich widdersproche: Iwwerall duts jetz Quetschekuche gewwe, ich habben doch schunn bei dene Bäcker in de Kolonnade geseh. Unn de Bäcker Scherer hodden gons bestimmt.

Grinst de Schorsch weider: De Bäcker Scherer, ja. Awwer bei dene onnern Bäcker duts koon Quetschekuche mieh gewwe, weil ...

Doo konnt aach isch nitt oo mich halle: Iwwerall duts Quetschekuche gewwe, gugg dich doch emol um, Schorsch.

Grad dessdeweese, seet doo de Schorsch, grad weil isch mich umgeguggd habb: Iwwerall duts nor „Pflaumenkuchen“ gewwe.

De Karl hott mich oogeguggd unn ich habb de Karl oogeguggd unn mir zwaa hawwe de Schorsch oogeguggd, weil merr uff oomol wussde, was der schunn die gons Zeit gemoont hott: Pflaumenkuchen stieht druff unn Quetschekuche isses.

Isch saach: Recht hosde, Schorsch, awwer warum issen dess su?

Doo moont de Karl: Isch denk, weil die, die den Pflaumenkuchen vekaafe wolle, nitt wisse, wasse sunnst schreiwe solle. Denn wie heeßt donn die Quetsch uff Hochdeitsch? Dess iss nitt gons klar, weil der oone seet Zwetsche, enn onnern seet Zwetschge, unn insgesommd sinn dess Werrder, bei dene du derr die Zung verknibbele dust.

Ja, habb isch gesaad, also isch saach aach liewer Quetschekuche als Zwetschekuche odder sogar Zwetschgenkuche. Jed Verkäuferin waaß donn, was gemoont iss.

Jetz hott de Schorsch schunn widder gegrinst, wie er gesaad hott: Debei iss Pflaumenkuchen nitt falsch. Isch habb nemlich gelese, dass aach e Quetsch e Pflaum iss, also su e Unnerart vunnere Pflaum.

Ess iss schunn su e Sach mett dene Quetsche, habb isch gesaad, weil isch konn mich erinnern, dass moin Großvadder, der joo Obstbeem uff soine Äcker gehabbd hadd, unn aach moi Mudder enn Unnerschied gemacht hawwe zwische Quetsche unn Pflaume. Die Quetsche warn immer e bissi länglich unn aach e bissi spitz vorne unn hinne, unn die Pflaume warn mieh su rund gewese, hadde aach mieh Fruchtfleisch gehabbd. Unn die warn aach sießer, awwer monschmol hosde Quetsche odder Pflaume allminonner uffmache misse, weil die Werm droi warn.

Dess iss heit nimmi su medde Werm, seet de Karl, dess Obst werrd halt allsfort gespritzt.

Unn doo waaß merr nitt was besser iss, seet de Schorsch, die Werm odder dess Spritzzeich. Awwer emm rischdische Quetschekuche mett Hefedaasch dut dess nix ausmache.

Su isses, seet de Karl, awwer meddem Pflaumekuche werrds bald gieh wie meddem Gemies. Frächt doch ooner uffem Risselsemer Markt die Fraa hinnerm Stonnd: Haben Sie Wirsing? Doo seet die Fraa: Den hawwe merr nitt, doo missese zu dem Stonnd doo hinne gieh. Weil mir vekaafe nor Werrsching.

Eiern Honnes